

---

EW NAMOPUNG

Fan asengesin ekkesiwin ewe moni mei kawor ren piggery development, Annukun Chuuk No.3-33, me pwan ren ekkoch popun.

Epwe pung me ren ewe Legislature-un Chuuk.

Tetten 1. Annukun Chuuk No. 3-33, a kapunguno me ren ewe Kepina non ewe February 2, 1981, iei a ekkesiwin ren an epwe iei usun kapasan:

"Tetten 2. Ei ukukun moni mei kawor ren Tetten 1 epwe einet ika no-ngeni Director-un Putaen ewe Resoruces & Development, ewe epwe wisen tumunu nounoun me mwokutukutun ewe moni fan iten ewe Kepina ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo nussuno non September 30, 1981, epwe niwin sefaan ngeni Monienapen ewe Legislature-un Chuuk.


Tetten 3. Ewe Director epwe awora an report won napanapen nounoun me mwokutukutun ei moni ngeni ewe Legislature me mwen June 15, 1981, epwe affatatiw:


(1) unusen porausen nounoun ewe moni fongon me ukukun nussun mei chiwen wor non September 30, 1981; pwan

(2) met sakkun atoot ika anapanap ren ewe nussun moni esemwo nounou tori non June 1, 1981, an epwe nounou non met ukukun nussun ewe Fiscal Year, nge och saposapun repot epwe kawor nefinen 20 ran me murin soponon ewe Fiscal Year ngeni ewe Legislature ika ew committee mei finita, epwe affatatiw napanapen nounoun me mwokutukutun ewe moni."

---

Tetten 2. Ei Namopung ewe poputa pochokunan ika a kapunguno me ren  
ewe Kepina, ika pusin an winiti annuk, nge esemwo kapunguno.

Sain seni:   
Tadashi C. Wainit, Speaker  
Truk Legislature

Annetata seni:   
Datasi Albert  
Legislative Chief Clerk  
Truk Legislature

Pwinin maram: July 2, 1981

Kapunguno seni:   
Erhart Aten, Governor  
Truk State Government

Pwinin maram: July 21, 1981